

Liffendisch Bier.

Die Liffender braven auch gute Biere / Daher ist ein gewaltig sauffen im Lande gewesen / da der Orden noch im flor / Aber mā saget / es mangle dieses fals / noch an nichtē.

Hiemit wollen wir nu von Bieren ablassen vñ beschliessen folgentz kurtzlich setzende / von etlichen stücklein / zu den Bieren gehörig / die vmb kein Geld zu bezahlen.

Etliche Kunststücklein zu den Bieren / die vmb Geld nicht zu bezahlen.

Vnd erstlich / wann sich ein Bier verkehrt / oder abfelt.

Du erst / wann ein Bier abfelt / oder sich verkehrt / so nim Gerstenbrot / aus dem offen / vnd brichs von einander / vnd leg es auff den Spunt / vnd das thu oft / biß es widerkömpt.

Wenn ein Bier sawr wer worden.

Im Habern mit dem Stro / wenn der Haber in der gelb ist / vnd schneidt puschlin / vnd hencfs ins Bier / so stost es wider auff / vnd thut wie ein jung Bier.

3

Wie